

中國方志叢書·華北地方·第四七五號

據

清·袁通纂修，方履錢編輯
清道光五年刊本

影印

河南省

河內縣志

(二)

成文出版社有限公司印行

地者必先推表山川蓋山川者地理之經緯也由以宣
氣水以流其情萃焉推焉灑焉播焉而民性生焉風俗形
焉命邦邑表宅閭胥於是成焉縣居太行之首崇岡複嶺屏
列於北而腹紫沁水聯以丹濟川原脈絡於是爲大考驗命
古詳其端委爲山川志

太行山在縣北二十里山海經北次三經之首曰太行之山
郭璞注今在河內野王縣西北漢書地理志並云河內郡
野王太行山在西北列子湯禹釁作太形山又名泰桐淮南
子武王欲築宮於五行之山周公曰五行陰固德能覆也高
誘注今太行山也左傳齊侯伐晉爲一隊入孟門登太行穆

卷九

天子傳天子命駕八駿之乘赤驥之駒南征翔行逕絕霍道
并於太行南濟於河五代漢初河陽來附契丹崔延勳等自
澤州引兵南逼河陽嵩山賊帥張遇赴救戰於南阪敗死南
河內山麓曰太行南阪也元和郡縣圖志引魏征記曰
行若始於河內北至幽州乾隆府志云太行山西自涓源
東接河內修武輝縣林縣至磁州縣互數千里其間峯谷
連綿起伏雖因地立名實皆太行也爲中州巨鎮長安
至長平屋六百里迤邐至於碣石導則以王屋爲

松巖野逸張道選桃花洞記云晉王良真人飛昇
也上有三清洞清和觀桃花洞桃花洞元邱長春真人
居此鍊丹有磨崖石刻青天歌瑰麗奇偉真仙跡也山
爲紫陵村村倚蛟脊龕

東北三里爲蛟脊龕

舊志云在沐澗西南形如蛟龍脊背龕前有石刻蛟脊龕
三字尙存年代失考

又東五里爲懸谷山懸谷泉出焉

舊志云在城西北四十里亦名元谷今名真谷寺府志云
上有太平寺谿谷邃折危崖垂覆山腰靈泉迸出竹木陰

森多唐宋遺跡今考隋重造太平寺殘碑山舊名窄澗谷
殘碑尙存 唐僧肅然於此習禪遂著靈跡大歷七年肅上
見金石

人禪房記云夤緣六七里攀援數十丈一壁却立直戴雲
天兩崖翼張橫窺日月稽首則神靈交集笑語則雷風聿
興其磨崖石刻最夥金皇統中訊公和尚亦居此焉東二
里有仙神口上有二仙廟歲二月士女雲集四方來會頗
稱勝觀其北麓爲山西鳳臺縣也又有千佛巖見造像記
又東三里爲沐澗山沐澗泉出其寺西

舊志云在城西北四十里山勢四圍飛泉可沐女貞梧桐
遍覆崖谷新雨初霽異鳥歌鳴使人有遺世之想相傳晉
魏夫人修真於此今有沐澗夫人祠唐垂拱四年碑云孟

津南注控河流於馬頰太行北指敬山路於羊腸川原相
屬風煙交會鬱彼仙觀揭焉中立又云巨石崔嵬像蓮峯
而特秀奔泉滌瀉松澗以飛湍微露觸石而流津清飈
激泉而成韻瓊桃仙棗散綠垂紅珠寶金條含細佩紫八
林芳桂凌冬霰以揚葩五株仙杏負春而布葉莫不夾
戶蘿羅字之訛生垂簷接蔭可以返魂駐寄顏字之訛忘憂愈疾洵
異境也其靈光肸鬻在宋元時尤盛歲旱禱雨應時甘露
故歷代崇之崇寧時賜名靜應廟名人遊覽刻石蓋以十
數其上有勝果院及鳴玉忘歸二亭鳴玉亭三大篆字尤
奇

又東五里爲紫金壇

舊志云在城西北五十里突高千仞羣峯拱向上多白松每歲九日邑人登高於此曹石倉天下名勝志云紫陵澗水出焉今亦名白松嶺

又東五里爲雲陽山

上有壽聖寺今名雲陽寺焉元中統元年重修寺記云懷州之西北一舍餘里其山曰雲陽寺曰壽聖居山之中半四顧之羣峯甘泉上湧西南埆圃下承東北右隣紫金之巔陽瞻白玉之沁真蘭若寶方也其陰爲山西鳳臺矣

采金壇南出八里爲臨川山有臨川泉焉

舊志云在城西北四十里山塢爲寺前後二池曰臨川

山泉出焉

水經注沁水又東倍澗水注之亦北出焉之山蓋下
倍澗也舊志云在城西北四十里兩山夾澗高可插天
峰林立長十里許幻化萬狀應接不暇澗水潌折至山口
而湫邑人曰倍澗口也

又東四里爲三尖山

府志云在城西北四十里三峯聳列故名金史正大九年
諸軍敗績於三峰山元兵與白坡兵合則三尖乃俗名耳
今考金哀宗正大八年明年正月改元開興四月又改
元天興天興元年正月甲午元兵薄鄭州與白坡兵合丁
酉大雪元兵及兩省軍戰釣州之三峯山兩省軍大潰是
合兵爲前日事而釣州舊陽翟縣則三峯之不爲此山明

矣北三十里爲鳳臺縣

又東爲馬頭山山後爲方山

舊志云在城西北三十里上有石柱鐵環俗傳洪水懷山時民嘗繫舟於此方山舊記所無與城東北方山別一山也

又東二里爲藥仙山

在城西北三十里

又東五里爲太行陁

舊志云在城西北三十里一名丹陁連山中斷曰陁太行首始河內北至幽州中有八陁此其一也府志云土人名

水口爲入晉陁道元和郡縣圖志云第一曰軹關陁在濟

源第二曰太行徑第三曰白陘在河內太行徑濶三步長
四十里太平寰宇記亦同今候補縣倅吳君翰跋履山川
經歷阻險周流四旬登於簡記無可當白陘者殆人趨捷
徑故道茅塞或土俗流稱本名遂荒卽小口之呼亦足證
也上有關帝廟其陰爲澤州矣

又東十五里爲龍門山

舊志云在城北三十里今亦名月牙山上有白果寺焉其
北爲山西

又東南出十里爲甘泉山

舊志云在城北二十五里泉甘木茂有甘泉寺焉其北麓
二十里爲山西

又東五里爲紅嶺山

亦曰紅蓮山在城北二十五里其右爲甘泉山陽爲西萬村陰爲碗子城而郡邑舊志皆云在城西北亦不言其道里未詳何審

北出二十里爲碗子城山

舊志云在城北五十里山勢峻險其路羊腸百折中有平地僅一畝許唐初築城以控懷慶澤州之衝其城甚小故名有羊腸坡焉曹學佺天下名勝志云碗子城關在太行山畔羊腸所經瀑布懸流實險隘之地也顧祖禹讀史方輿紀要云太行山畔山勢險峻羊腸所經上有古城亦曰

正十一年六月賊大掠山西蔡平之自

澤中進屯澤州塞碗子城旣而守將周全以懷慶叛降劉
福通察罕遣將守碗子城爲全所敗國初大兵攻山西自
碗子城北破澤潞蓋南北要道也其言國初謂明初今有
大口一通澤州焉

又東南出十五里爲水峪山水峪泉出焉

舊志云在城北四十五里泉流石磴間夜靜琤琮如聞琴
瑟取以煮茶其味甘美邑中諸泉無出其右兩山葱蒼淹
潤可嘉上有水峪寺爲習靜者所憩

又東南十五里爲孤山

舊志云在城東北五十里遠望如栲栳然四面陡絕丹水
蜿蜒繞其下俯視羣峰似兒孫羅列土人祀真武於其上

每上巳日士女駢集北麓爲山西

栲栳山前爲九峰山

九峯連綿故名山麓有九峯寺丹水自栲栳山下屈曲南
流過九峯山出流於平地

又東二十里爲鳳凰山

在城東北三十五里俗所稱圪墻坡也

又東五里爲靈山

在城東北三十五里俗謂之靈山廟

又東十五里爲方山

舊志云在城北四十里蓋字誤東北非正北方也四面峯
巒突兀丹水繞其北土田平曠頗爲腴美讀史方輿紀要

云周圍方正可容數百人也

又東十五里爲明月山課蜜泉靈井出焉

舊志云在城東北四十里山形如員月上有大明禪院清風菴皆金大定時山僧空相之所造也大明禪院在元爲寶光寺今爲月山寺自山坳層構而上最後爲憑虛閣高峻舒豁可以登高可以眺遠俯視其下田塍皆如圍畦烟火相屬縹緲不絕元寶光寺記所謂南則大川宏曠延袤嵩少北則羣峯高峙盪摩霄漢西綿盤谷東揖百巖者也閣右爲蒼公洞左爲龍潭其從高至下松柏交蔭其極高處又多古栢或以爲皆空相以子彈著其上故名彈子栢云遊人多題壁者乾隆十五年九月

聖駕巡幸

駐蹕寶光寺蓋邑最勝處也山北柳樹溝出焉爲至潞安府

隘口

又東五里爲柏山

舊志云在城東北五十里上有劉自然庵址

又東三里爲金傘山

舊志云在城東北五十里奇巖峭壁崒嵒可愛上有萬壽

觀

又東十里爲雲巖山

舊志云在城東北五十里山谷深邃雲氣氤氳故名

又東十五里爲十二廻山

舊志云在城東北六十里山麓旋繞凡十二回讀史方輿紀要亦云

又東十五里爲青山

俗名佛坡山舊志云在城東六十里倚太行之側林木青翠因名亦見讀史方輿紀要

曹學佺天下名勝志引圖經云城北者曰方山孤山以位勢

方正介然孤立故名其在東北者曰明月山金華山

華傘字訛青

山雲岩山西北者曰馬頭山三尖山各去城三五十里負倚

太行之側轉望鬱葱中甚軒豁卓然雲表可以登眺有明月

寺在明月山萬壽觀在金傘山石柱鐵環在馬頭山所言皆

與今同圖經不知何人所作惜不可得也今縣北面自西北